



## SIARAN AKHBAR

S.A. 2020/10/71 (HQ)

### PEMASANGAN METER PINTAR DITERUSKAN SEPANJANG PKPB

- Hampir 609,000 telah dipasang di Lembah Klang dan Melaka

Pemasangan Meter Pintar yang sedang diperluaskan di Cheras, Kuala Lumpur, Shah Alam dan Putrajaya/Cyberjaya berjalan seperti biasa sepanjang tempoh Perintah Kawalan Pergerakan Bersyarat (PKPB) sehingga 27 Oktober ini.

“Sebagai salah satu operasi bisnes yang dibolehkan semasa PKPB, kerja-kerja ini diteruskan mengikut Prosedur Operasi Standard (SOP) yang ditetapkan,” kata Pengarah Projek, Advanced Metering Infrastructure (AMI), TNB, Ir. Mohamed Ghous Ahmad.

“Proses pemasangan hanya mengambil masa kira-kira 30 minit. Ianya tertakluk kepada pematuhan rapi SOP seperti ditetapkan pihak berkuasa, termasuk berkaitan usaha membendung penularan wabak Covid 19. Ini bagi memastikan keselamatan pemasangan meter dan pengguna sentiasa terjamin.”

Sehingga 16 Oktober 2020, sejumlah 608,976 unit Meter Pintar telah dipasang di Lembah Klang dan Melaka.

Menurut Mohamed Ghous, pengguna meter pintar mendapat kelebihan untuk mengawal corak penggunaan tenaga harian, mengurangkan pembaziran dan jejak karbon serta mengawal perbelanjaan bulanan.

“Meter Pintar membolehkan pelanggan TNB untuk memantau penggunaan elektrik secara harian menerusi portal ([ww.mytnb.com.my](http://ww.mytnb.com.my)) dan aplikasi myTNB (boleh dimuat turun di Google Play, Apple App Store dan Huawei AppGallery). Bil elektrik juga boleh dibayar secara dalam talian menerusi portal yang sama.

“Mereka juga dapat bacaan bil bulanan mereka melalui portal dan aplikasi myTNB dengan kadar segera pada setiap tarikh kitaran bil.”

Sebelum pemasangan Meter Pintar, pengguna akan menerima surat pemberitahuan pemasangan meter oleh TNB. Kerja-kerja pemasangan akan dilakukan oleh kontraktor lantikan TNB.

**Dikeluarkan di Kuala Lumpur pada 20 Oktober 2020, jam 10:00 pagi**  
*Untuk pertanyaan lanjut media, sila hubungi Fitri Majid 013-3626923 /  
Grace Tan 016-6626229 / Nasir Aziz 018-9434524  
atau emel kami: [media@tnb.com.my](mailto:media@tnb.com.my)*



Pemasangan Meter Pintar yang sedang diperluaskan di Cheras, Kuala Lumpur, Shah Alam dan Putrajaya/Cyberjaya berjalan seperti biasa sepanjang tempoh Perintah Kawalan Pergerakan Bersyarat (PKPB), mengikut Prosedur Operasi Standard (SOP) yang ditetapkan.